

心遺欲實其腹直養弱其志致柔強其骨保精

正陽帝君注曰聖人之治總是講的箇淡泊無為所以賢不
尚貨不貴欲不見胥天下而渾之心者神明之宰自是要虛
而腹則何以要實蓋腹者心所宅也宅弗安則天君亂故虛
心而實腹若志則腎所藏也而骨則為腎之餘志妄動則強
而肆欲骨斯以痿聖人知此故弱其志以強其骨

常使民無知無欲返樸使夫知者不敢為也絜矩從心為無為

寂然不動則無不治感而

又曰民之多故總緣於有知有欲是以紛紛不靜惟常使人
知欲盡泯則共遊渾噩浩蕩之天而天下何不治之有其曰

道藏輯要

道德經解

四 心集一

使夫知者不敢為猶云智者無所用其謀而已矣

無源章第四

道冲而用之太虛或不盈謙不淵兮似萬物之宗淵淵其淵

正陽帝君注曰道字一讀冲字一讀冲即冲虛無欲之冲猶

寂然之謂以寂然之道用之於世似乎不能盈滿宇宙而不
知其淵淵其淵為百川之所歸注是故萬物所宗主也曰似
者亦謙言之耳

挫其銳知止解其紛不隨和其光退藏同其塵混心湛兮似若

存存神於無

又曰人不知道立於無是以銳而求之紛而求之愈求而愈

失其去道也遠是以聖人銳前挫之紛則解之道備於躬光輝自應遠耀而又不欲過於表著以凌物用是和其光焉以同其塵夫塵不解者也烏乎同之然不同則又矯異矣伯夷之清非至道也湛即湛寂清靜之謂惟湛寂則道無弗存矣似亦謙辭

吾不知誰之子一元象帝之先超踪造化惟道獨尊

又曰大道若此其果誰之子乎曰象帝之先夫帝已先矣又曰象帝之先則是先而又先即上所謂玄之又玄是也

虛用章第五

天地不仁無心施化以萬物為芻狗任其自然聖人不仁法天無為以百姓為

道藏輯要

道德經解

五

心集一

芻狗順帝之則

正陽帝君注曰不仁非謂天地聖人之不仁也言天地無心成化萬物皆沐其仁而天地究未嘗有心仁之芻狗祭物束草以作犧牲祀則奉之過則棄之言無所繫戀也天地之仁萬物亦若是焉而已矣聖人之於百姓也亦然

天地之間塞乎兩間優優品類其猶橐籥乎空洞虛中太和充溢虛而不屈中通動

而愈出應變無窮

又曰橐籥不動則寂有感皆通天地之化如之蓋惟虛其中而不屈是以動而愈出耳

多言數窮希言養氣不如守中允執厥中